

17. januar 2022

Inatsisartut suleriaasianni § 37 imm. 1 naappertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit:

- 1. Konto 40.95.01 Qimussersuarmut tunngatillugu oqaaseqatigiit "aningaasartuutininik utertitsisimaneq" Naalackersuisup allanngortilersaarnerlugu?**
- 2. Qimussersuaq oqaluttuaannanngussanngippat Naalackersuisut oqilisaataasinnaasumik allamik pilersaaruteqarpat?**

(Inatsisartunut ilaasortaq Doris J. Jensen, Siumut)

Tunngavilersuutit:

Avannaata Qimussersua, Inughuit Qimussersuat aammalu Kangiata Qimussersua ukiut tamaasa ingerlanneqartarput taakkua saniatigut nunatsinni qimuttunik qimmeqarfiusut tamarmik Qaanaamiik Sisimiut tikillugu tunulu ilanngullugu, ukiut pingasukkaarlugit ingerlanneqartarpoq. Taakkua aaqqissuussat annertoorejussuit nunatsinni meeqqat inersimasullu qimussimik sukkanniuuttartut peqataaffigisarpat. Aaqqissuussat taamaattut aningaasarpassuarnik naleqartarput piffissarujussuarmik nukippassuarnillu atuiffiusartut.

Ukiut siuliini Inatsisartut aningaasanut KNQK 250.000 kr-ninik assartuinnermut atugassanik aningaasanut inatsimmi tapiiffiqineqartarput qujanaqisumillu qinigaaffik kingulleq aningaasanut inatsisikkut KNQK qaffaaffiqineqarpoq, taakkua tapiissutit konto 40.95.01 iluani takuneqarsinnaapput.

Sukkanniuunnersuit taamaattut siusinaartumik piareersassallugit pingaaruteqarluinnartuuvoq kisianni siusinaartumik aningaasanik atuilluni piareersarsinnaaneq ajoraluartumik aporfearpoq tamannalu tunngaveqarpoq Inatsisartut aningaasanut inatsisaanni ima allassimasoqarmat:

“Assersuutigalugu Avannaata Qimussersuaqarneranut atatillugu qamutininik qimminillu timmisartukkut assartuinnermut aningaasartuutininik utertitsisimaneq tassani pineqarsinnaavoq”.

Oqaaseq “aningaasartuutininik utertitsisimaneq” isumaqarpoq pisussat KNQK-p nammineerluni akilerneqareerpagit aatsaat uppersarsaateqarluni Namminersorlutik Oqartussanut utertinneqarsinnaasut.

Eqqarsaatigineqartariaqarpoq aaqqissuussat qulaani taakkartukkakka aningaasarpassuarnik millioninik arlalinnik naleqartarmata kattuffiullu imaaliallaannaq nammineerluni



akilersinnaasangimmagit naak aningaasaateqarfinniilluunniit imal. suliffeqarfinniit taperneqareeralarluni.

Assersuusiulaassuunga, timersoqatigiit kattuffii anguniagassanik naalackersuinikkut isumaqatigiissusiortarpoq tapiissutillu ukioq nutaaq aallartikkaagat tunniunneqartarput. Ima ingerlatsisoqarneq ajorpoq timersornermi unammiaarnerit aatsaat naammassippata aningaasartuutit utertinneqassasut. Timersoqatigiit kattuffii taamatut pineqarnissaat takorlooruminaappoq timersortartorpassuit unammiaarsinnaaneri akornuserneqassamata. Kisianni tassa KNQK-mut periuseq taanna ukiuni arlalinni atorneqarpoq, ilisimanngilluinnarparalu sooq taamatut allaanerusumik pineqarnersoq? Aamma sooq allat taperneqartartut KNQK-tulli pineqartannginnersut? Kisianni oqaatigisinnaavara KNQK-p taamatut pineqarnera assut ilungersunarmat artukkiisarlungu.

Taamatut tunngavilersuuteqarlunga neriutigaara aningaasanut inatsimmi oqaaseq "utertitsisinnaaneq" peerneqassasoq sukkanniunnissarsuaq uani martsimi ingerlanneqartussaag allallu siunissami aporfilersorpallaanngikkaluarluni anguneqarsinnaaniassammata.

Apeqqutit akineqarnissaat ullut suliffiusut qulit iluini kissaatigaara.